

Zbog zagađenja vazduha iz brodske rafinerije ponovo su se za pregovaračkim stolom našli njihovi predstavnici i ljudi iz resornih ministarstava dvije države. Nakon četiri sata razgovora, ped kamere je stala samo hrvatska strana.

Glavna tema je kažu bila plinifikacija rafinerije. Dogovor postoji, a hrvatske vlasti su spremne da plin dovedu do granice.

“Bio je konstruktivan dijalog. Ja sam iznenađen spremnošću druge strane da se naprave iskoraci sa konkretnim rokovima i smjerom djelovanja”, kazao je Ante Čikotić, državni sekretar Ministarstva zaštite okoliša i energetike Republike Hrvatske.

Zamjenik gradonačelnika Slavenskog Broda ističe da je potrebno definisati datume.

“Od druge strane se očekuje mjesto spajanja gdje bi to bilo definisano međudržavnim dogovorom. Ne možemo biti zadovoljni što još nema roka i konkretnog datuma te što je rafinerija kao rok navela 2020. godinu”, izjavio je Hrvoje Jandrić, zamjenik gradonačelnika Slavenskog Broda.

Iza zatvorenih vrata predstavnici rafinerije prezentovali su aktivnosti na koje ih obavezuje ekološka dozvola. Taj dokument dobila je i hrvatska strana, ali tek kada ga prevedu sa ćirilice znaće šta sve piše. Na sastanak nisu mogli predstavnici ekološkog udruženja iz Slavenskog Broda. Znaju kažu da će zagađeni vazduh udisati i u idućoj godini.

“U ovom trenutku znamo da plinifikacija bi trebalo potrajati 5-6 možda i 8 mjeseci ako projekte imamo gotove”, rekao je Peter Tot Đerđ, član Građanske inicijative za čist zrak.

O plinifikaciji ne zna mnogo, na sastanku nije bio, ali prvi ćovjek Broda tvrdi da je prića o zagađenju prenaduvana. Stanje je, uvjerava Ilija Jovićić, bolje nego prije osam godina, od kada ta saga traje.

“Ja ću vam reći da je rafinerija prije prerađivala duplo više sirove nafte nego sada, radila dva i po do tri miliona a sada radi jedva jedan milion tona”, kaže Ilija Jovićić, načelnik općtine Brod.

Za nas je bitno da rafinerija radi jer svaki treći zaposleni Brođanin iz nje prima platu, kaže Jovićić. Dodaje da postoji 120 godina, a kada su i komšije preko Save u njoj radile, problema nije bilo. Za hrvatsku stranu rješenje je plinifikacija i to što brža, a postoji mogućnost da dvije države za taj projekat zajednički apliciraju za evropskih sredstava. Tvrde da je sada sve u rukama bh. vlasti. Ranije se iz ministarstva za ekologiju Republike Srpske moglo ćuti da će se problem rafinerije rješavati promjenom energenta.

izvor: indikator.ba